











Digitized by the Internet Archive in 2010 with funding from Boston Public Library



The race th Lagrange de Michael Michae A second de la company de la c white the state of Jan Market Marke And a service of the The state of the s

HEVREVX

AVGVRES

AV ROY,

DE SA VICTOIRE
remportee sur vn Monstre.



A PARIS,

Chez REMY DALLIN, aumont sainct Hilaire, à l'Image sainct Hilaire.

M. DC. XVII.

Acc 88-667(G)



HEVREVX

AVGVRES AVROY

DE SAVICTOIRE remportee sur vn Monstre.

IRE,

Les histoires fabuleuses ou les fables historiales nous enfeignet que Iunon esprise & viceree d'vn mal talent & haine irreconciliable à l'endroit d'Hercule, luy enuoya vn gros Serpent estat encores au berceau, en intention d'estousser & exterminer ce pauure

A ij

petit enfant, mais pourtant des-ja grand de courage, comme l'issuë le monstra. Alors ces mains tendrettes & delicates, qui par apres surent autant d'escueils, où se brise-rent les bourasques de certe marastre, vin-rent à colleter cet hideux animal, qui de sa seule veuë eust peu faire expirer cent mil autres ames enfantines; & partie de la faueur de supiter qui l'auoit mis au mode, partie par sa naissante force & nou-ueau courage, il estoussa & escraza ce monstre, qui sut sa premiere victoire suiuie d'autres infinies.

Qui ne voit le parangon & le paralelle de vostre naissante authorité auec la sienne, comme il y aura du progres : & qu'ainsi qu'il a vaincu en naissant, & est né en vainquant: aussi vous tout de mesmes prenat l'essor de dessous les aisses de la Royne vostre tres-honorée Dame & Mere, come ce petit oyseau de dessous celles de l'Aigle, & vous approchant du Ciel qui vous a communiqué cette benigne & sainsée influence, vous vous estes venu sondre sur cet enorme & pernicieux Serpent, que quelque Furie infernale auoit suscité au monde, que la France (d'vn grand creue-cœur le dis-je) auoit nourry & esseué plus

cherement que l'vn des siens. Mais ô prodige extreme & extremité prodigieuse, ce Serpent ne pouuoit estre que Serpent, & par consequent convertir cette nourriture & tant de faueurs, en vn venin detestable, au lieu d'en nourrir de bonnes & solides vertus, qui se repaissent de l'honneur come de leur viande la plus delicate: pour en recognoistre & seruir son maistre, comme les autres vrays & fideles François. Mais ne sçait-on pas qu'vne mesme rosec se conuertit en incarnat & en souefue odeur sur la rose, en pourpre sur l'œillet, en amertume sur l'absynthe, & en poison & venin sur la ciguë & l'aconit, & le tout selon la disposition du subject qui les reçoit?

Helas qu'eussent dit de vous & de nous pauures chetifs! les estrangers tant alliez, qu'ennemis de vostre Sceptre, si vous n'eussiez extermine ce Serpent pestifere? De vous qui auez herité d'vne Couronne portee en asseurance par les plus grands & redoutez Roys de l'Vniuers, Couronne qui a tousiours seruy d'ornement & majesté à l'endroict des subjets & amis, & aux ennemis de terreur & d'essroy; & qui a affermy les Couronnes Imperiales chancelantes,

aussi bien que les triples Diademes; Couronne non portee par des Agathocles, mais par les plus nobles & renommez du monde, Couronne non iamais tyranniquemet & illegitimement enuice, qu'elle n'ait precipité le volontaire vsurpateur iusques au centre de la misere mesme. De nous que nous eussions' dementy l'opinion & l'estime qu'on faict de nos courages, d'affection enuers nos Roys, & fussions esté accusez d'vne nouuelle conniuence aux outrages & pretentions iniques, non d'vn François (ce qu'à Dieune plaise) ains d'vn estranger; mais quel estranger? noble sans adueu. & recognoissance d'estoc, outrageux le possible enuers les plus innocents: sans merites, sans valeur, sans aucun seruice & bon deuoir, si petit soit-il, rendu à ce Royaume.

A la bon-heure doncques, SIRE, Auez vous entrepris ce coup d'Estat, le plus grand & le plus aduantageux qui se soit iamais praticqué en aucune Republique bien policee. Duquel l'on peut dire auec verité, qu'il vous a mis tout de bon la Couronne sur la teste, & se Sceptre en main, qui sembloit y bransler auparauant, & qu'il vouloit asseurément vous extorquer.

Car que pretendoit-il autre chose, ce cauteleux Serpet, ou plustost ce Basilisque, qui auoit chasse du champ de vostre Estat, & quasi estaint ces nobles & zelez animaux, par l'haleine puante & insupportable à ces ames genereuses, de ses insolents & ambi-

rieux deportemens?

Qui auoit estoussé cette belle & ieune plante de la Paix; cultiuce auec tant de soin, mesnagee, & procuree par la prudence heroïque & toute diuine de ce Mercure Gaulois, de l'honneur duquel il pensoit faire litiere: nous ayant tant enuié ce bonheur, que de ne permettre de nous reposer à l'ombre de son fueillage, qui sembloit

deuoir reuerdir pour iamais.

Quelle partie de l'Estat n'estoit infectee de son venin, ordonnant à sa poste de toutes affaires, à vostre veu & sceu, & à nostre extreme creue-cœur; qui estions bourrellez en l'interieur, estans cotraincts, pour vostre contentement, de tenir le feu de nos desirs souz l'ardeur de nostre affliction & douleur, & souz la fumee de dissimulation. Nous eussions esté coulpables & criminels de leze Majesté; si nous nous fussions séruis de nos langues pour noº plaindre; encor que ce soit vn remede & instrument naturel & coustumier aux

plus miserables, pour dissiper les nuages de leurs ennuys & destresses.

Mais courage, puisque le Cielà la parfin nous a bien-heuré de tant, par ce vostre
nouueau coup d'essay, & chef-d'œuure
tout ensemble; duquel nous tirons de tels
augures & presages, que ne ferez iamais
que choses grandes & hautes, puisque ce
dessein prouenu d'vn conseil tout diuin, &
executé auec tant d'heur, nous a monstre
vn eschatillon de vostre esprit clair-voyat
aux plus espesses tenebres des affaires &
dissicultez.

Vous ne ferez que vaincre desormais, puisque vous auez remporté vne si belle & si long temps desirée victoire; les fruicts de laquelle nous sauourerons auec tant de contentement & repos, que nous auons eu de patience pour l'attendre, & de peince pour l'auoir. Cette victoire est le poinct le plus heureux où vous eussiez peu iamais rendre la chose publique: estant en cela si honorable & aduantageuse, que vous auez espargné le sang innocent de vos subjets, lequel il prodigoit, les enuoyant de gayeté de cœur à la boucherie, pour en depeuplant & desertant vostre Royaume, & y faisant des motagnes des corps morts,

monter iusques au Ciel de vostre throsne Royal, & s'y asseoir sans contredit:

Et luy casannier & souffle-cendre qu'il estoit, voyoit donner les coups de loin, aymant mieux voir bouillir sa marmite remplie de la substance du pauure peuple; luy qui auoit neantmoins esté le brandon de cette guerre qui vous alloit faire consumer & destruire ce bel edifice de vostre France.

Que pouvoit-on esperer autre chose de ce Vipere, qui vouloit naistre pour vous estousser? Où visoient ces sanglantes & diaboliques maximes, proportionnees au reste à sa desordonnee ambition, pallice & couverte du manteau Royal de vostre authorité? Quelle estoit sa malice & finesse d'empescher l'acces des enfans de vostre famille, à vous qui estes leur pere : enfans qui se passionnoient comme la nature le requiert, les Loix l'ordonnent, & ainsi que le meritez, pour la prosperité de vos affaires: honteux de l'authorité de ce Faquin, contre lequel, à bon droit, s'escrimoient les plumes les plus judicieuses & mieux taillees, que vous auez depuis entierement acquise à vostre seruice.

Et bien doncques! eussions nous peu

fupporter dauantage ce Loup rauissant, qui, comme l'autre demandoit aux bergers l'essoignement de leurs chiens en la garde de leurs troupeaux, pour se gorger plus aisément d'iceux: Aussi vous enaigrissoit-il, Vous nostre bon Berger (comme Homere appelle les Roys) contre ces nobles Chiens (ainsi que Demosthene les nomme) protecteurs de vostre Royal bercail, asin d'arriver par leur ruine à ce poinct pretendu, poinct indivisible de la Royauté & Monarchie.

Plaise au Ciel desormais de pleuuoir vne tosee de toutes sortes de benedictions sur vostre heureux ches; ce que nous esperons plus facilement qu'auparauant, emportez par l'heureux succes de cette nouuelle faueur. Et de faict, quelles preuues de bonheur auons nous receu depuis la dessaicte de ce Monstre? Monstre du temps, Monstre de la fortune qui ne l'auoit esseué à ce zenith d'authorité, que pour le soudroyer & renuerser insques au nadir de la misere mesme.

Le Ciel ne nous promettoit-il pas vne continuation de torrents, qui luy seruoient comme de larmes, pour déplorer nostre infortune? Ne sébloit-il pas vouloir degenerer en ce climat François, en vn ciel de bronze? Le Soleil mesme n'auoit-il pas horreur de ses execrables desseins & deportemens, lors qu'à tout bout de champ il se cachoit dans ces voiles espais de nuages, nous laissant icy bas tous estonnez & esperdus?

Mais ce Ciel pluuieux s'est rasserené, ce Soleil honteux & terny s'est descouuert, ces pauures cœurs François serrez & oppressez de destresse, se sont estargis & comme espanouys d'allegresse, la miserable cause de tels esses funcstes en ayant esté

ostee.

Voilà (SIRE) de grands tesmoignages de vostre iustice & equité au commandement d'vne telle entreprinse, suiuis encor de plus remarquables & signalez. Car ces quatre les plus nobles parties de l'Uniuers, n'ont peu se contenter, par ie ne sçay quel instinct (naturel ou diuin ie ne sçay) de cette douce mort, receuë plus honorablement qu'il ne meritoit; douce, dis-je, pour n'auoir esté attenduë & sentie, pour cette raison estimée la meilleure au jugement de Cesar.

Cette terre, grossier & pesat elemet, qu'il estimoit indigne de le porter, s'esseuant

hautain de ses desseins ambitieux, & y contresaisant vostre Majeste Royale qui l'a soudroyé miserablement: n'a elle pas monstré vn desdain bien plus vray & restroigné que le sien? A elle peu conseruer sa charogne entiere en son sein delicat & superbe? l'a elle peu endurer sur sa surface qui le desdaignoit encore, n'en pouuant supporter la moindre partie? Elle qui sous-fre les bestes les plus farousches & inhumaines, n'a peu supporter ce Lyō rauissant des Finances, ce Tigre carnassier, & yure du sang François innocent.

Le feu ne sembloit-ilpas contrepointer aussi la terre, pour brusser auidement ces parties hachées par la juste sureur de ces Menades Françoises, animées d'vn grand & extresme ressentiment de leurs pertes? Sá vertu n'a eu garde d'estre suspendue pour conseruer & rafraischir ces miserables fragments, comme elle a esté plusieurs sois, & ainsi que la Salemandre s'y conserue, & les Piralides s'y nourrissent.

L'eauë n'a elle pas concouru à cette vengeance, receuant les os qui auoient supporte ce corps animé d'yne ame la plus monstrueuse que iamais la nature ait produit, & les fables nous ayent representé souz l'escorce de leurs sictions, puisque la terre sa sœur germaine les desdaignoit. Ce vaste & glouton element a-il rien qui luy puisse peser dauantage, encores qu'il heberge tout ce qui est de plus hideux en ce monde, les Crocodiles malicieux & homicides, les Baleines pernicieuses, les Sirenes doucement malheureuses, desquels il a imité la barbarie?

Mais quoy? l'air n'a il pas participe & donné quelque chose du sien, luy qui est susceptible de toutes formes, à cette tragedie, où ses trois copagnons ou germains yssus d'vn mesme pere, ont ioué leur personage? Iamais il n'a cocouru de tellesorte à aucune actio, iuste ou injuste, qu'à celle cy:quad de premier abord & à la nouuelle de cette mort qui a esté & sera vne vie à la France, l'on n'oyoit autre chose qu'iniures & imprecations à l'encontre de ce desnaturé. N'a il pas receu ce bruit & tintamarre des coups laschez & deschargez en tel nőbre, qu'il faudroit de nouuelles Arithmetiques pour les supputer exactement; fur ce cadauer, lequel on auoit plus de raison de persecuter, qu'iln'auoit de poursuiure, comme il faisoit à cor & à cry, ces ima-

ges viuantes de la divinité. Et ce qui est de plus pour tesmoigner & approuuer vostre iustice en son endroit, & vostre compassion & pitié enuers vostre peuple, ne l'auez vous pas ouy bruire & retentir de congratulations, allegresses, applaudissemens, & benedictions, desquelles vostre authorité Royale prosperera à iamais, & sera conseruée par cette affection & ferueur, que là il a monstré par effect. Ne craignez point qu'elle vienne iamais à se diminuer ou alterer pour quelque changemet de fortune ou du temps, elle est trop enracinée au centre de ces cœurs Fraçois, desquels toutes les lignes qui en procedent, aboutiront toutes à vostre seruice.

Ils n'ont pas garde d'estre si desnaturez que d'en iamais forligner, puisque vous leur auez baille subjet d'vne joye perpetuelle, les ostant des mains de cette cruelle Bellone qui les mastinoit outrageusemet, & que les auez traduits de ce siecle de fer en ce bel aage d'or, où vous les faictes reujure par vne Metempsychose la plus estrange du monde: Car vous les auez fait passer de leurs corps qui n'humoient qu'vn air d'horreur & puanteur Martiale, en d'autres qui ne respirent qu'vn air doux

& odoriferant. Vous leur serez, beaucoup à meilleur droit, à cause de cette action principalement, ce qu'a esté autresois Titus au peuple Romain, Les Delices DV MONDE.

or the second of the second of the second

The transfer of the second of the second

and the second of the second of the second



























